

# O'zbekiston OVOZI

Ijtimoiy-siyosiy gazeta

*Barchaga g'amxo'rlik — davlatning burchi*

## ХОТИН-ҚИЗЛАР УЧУН УЛКАН ИМКОНИЯТЛАР БЕЛГИЛАНДИ

Президент Шавкат Мирзиёев раислигида 1 март куни хотин-қизларни қўллаб-қувватлаш тизими ҳамда уларнинг жамиятдаги мавқеини янада мустаҳкамлаш масалалари бўйича видеоселектор йиғилиши ўтказилди.

Халқимиз тарихида буюк алломалар, жаҳонгир боболаримиз қаторида, бундай инсонларни дунёга келтириб, тарбиялаган, улғувор ишларга руҳлантирган фозила аёллар ҳам кўп бўлган. Бугун ҳам хотин-қизларимиз фарзанд тарбиясида, турли соҳаларда, маҳаллаларда фидойилик кўрсатмоқда. Уларнинг оғирини енгил қилиш, ҳуқуқ ва манфаатларини таъминлаш мақсадида сўнгги йилларда бир қатор қонунлар, фармон ва қарорлар қабул қилинди.

2021 йилда аёллар тадбиркорлиги дастурлари доирасида 200 мингдан зиёд лойиҳаларга 2 триллион сўм кредит ва субсидиялар ажратилиб, 320 минг хотин-қиз доимий иш ўрнига эга бўлди. 190 минг нафар аёл касб-хунарга ўқитилди. 4 мингдан зиёд хотин-қизларга уй-жой тўловининг бошланғич бадалига маблағ ажратилди.

2 минг нафар қиз алоҳида грант асосида олий таълимга қабул қилинди. Натижада ўтган йили олий ўқув юртлирига кирган талабаларнинг 60 фоизини хотин-қизлар ташкил этди.

Умуман, 2020 йилдан бошлаб "Аёллар дафтари" тизими йўлга қўйилиб, унга киритилган 900 мингга яқин хотин-қизларга ижтимоий-иқтисодий, тиббий, ҳуқуқий ва психологик кўмак берилган.

Йиғилишда бу борадаги навбатдаги долзарб вазифалар муҳокама қилинди.

Ҳозирги кунда "Аёллар дафтари"да 630 мингдан зиёд хотин-қиз рўйхатда турибди, улардан 200 минг нафари ишсиз. Аёллар ўртасида жиноятчилик, оилада зўравонлик ва тазйиқ ҳолатлари, афсуски, ҳали ҳам бор.

Давлатимиз раҳбари бу муаммоларни ҳал этишда маҳалла фаоллари, жамоатчилик ва нурунийларнинг ўрни ва таъсири сезилмаётганини айтди.

— Бугунги фаровон ҳаётимиз ҳам, ёруғ келажагимиз ҳам аёлларга боғлиқ. Агар халқимиз биздан рози бўлишини хоҳласак, аввало, мўътабар оналаримиз, опа-сингилларимиз учун муносиб турмуш шароитлари яратишимиз керак. Она рози бўлса, оила рози бўлади, оила рози бўлса, жамият рози бўлади, — деди Шавкат Мирзиёев.

Давоми 2-бетда. ▶



**МЎЪТАБАР ОНАЛАРИМИЗ, ОПА-СИНГИЛЛАРИМИЗ,  
ҚИЗЛАРИМИЗ УЧУН МУНОСИБ ТУРМУШ ШАРОИТИ  
ЯРАТИЛАДИ.**

**2 МАРТ – ЎЗБЕКИСТОН БМТГА  
ТЕНГ ҲУҚУҚЛИ АЪЗО СИФАТИДА  
ҚАБУЛ ҚИЛИНГАН КУН**



1992 йил 2 март куни Ўзбекистон Республикаси БМТга янги суверен, жаҳон ҳамжамиятининг тенг ҳуқуқли аъзоси сифатида кирди. Қўшнинг Нью-Йорк шаҳридаги БМТ штаб-квартираси олдида мустақил Ўзбекистон байроғи ўтқарилди.

Ҳозирги кунда Ўзбекистонда БМТнинг ундан ортиқ дастурлари, жамғармалари ва агентликлари, жумладан, БМТ тараққиёт дастури (БМТ-ТД), Аҳолишунослик жамғармаси (ЮНФПА), Болалар жамғармаси (ЮНИСЕФ), Жаҳон соғлиқни сақлаш ташкилати (ЖССТ) сингари бир қатор ихтисослашган муассасалари фаолият олиб бормоқда.

**ИХТИСОСЛАШГАН МАРКАЗЛАР**

## ОҒИР ЕНГИЛ, УЗОҚЛАР ЯҚИН БЎЛМОҚДА

Бир одамнинг буйрағида тоши бўлса, унинг бошида қанча ташвиши бўлади? Ўз вақтида даволанмай, тош катталашиб, буйрагининг ярмини олдириб, яримта бўлиб қолганлар қанча? Чунки йиғиниб, Тошкентга келишга имкон топилганига қадар дардига дард қўшилиб, бир ташвиши

минг бўладиганлар ҳам оз эмас. Соғлиғи ярим одамларнинг эса кўнгли ҳам яримта бўлади. Ана шундай муаммоларнинг олдини олиш, одамларни тиббий хизматга эмас, аксинча, тиббий хизматни аҳолига яқинлаштириш мақсадида ихтисослашган марказлар ташкил этилмоқда.

### Ўзбекистон Республикаси Ташқи ишлар вазирлиги расмий вакиlining ахбороти

2022 йил 1 март куни Тошкент вақти билан соат 9:15да Украинадан эвакуация қилинган 258 нафар ҳамюртимизни Польшанинг Катувитсе шаҳридан олиб келган навбатдаги махсус самолёт пойтахтимизга қўнди.

Жорий йилнинг 1 март ҳолатига кўра, Ўзбекистон дипломатик ваколатхоналари ва мутасадди ташкилотларининг савий-ҳаракатлари натижасида Украинадан жами 509 нафар Ўзбекистон Республикаси фуқароси Ватанимизга қайтарилди.

Ҳозирги вақтда "Карчова" назорат-ўтиш пунктидаги тўпланиш жойида бўлиб турган 650 дан ортиқ фуқароларимиз учун барча зарур шароитлар яратилган. Юртдошларимизни олиб келиш учун яна қатор эвакуатсион рейсларни ташкиллаштириш кўзда тутилмоқда.

Ўзбекистоннинг Польшадаги элчихонаси дипломатлари фуқароларнинг масалаларини ҳал қилиш билан шугулланмоқда ва уларнинг аэропортда бўлиб туришларини мувофиқлаштиришда. Элчихонада узлуксиз ишлайдиган тезкор штаб ташкил этилган.



**ҚОРАҚАЛПОҒИСТОН-  
ЛИКЛАРНИНГ  
ЧЕКСИЗ МЕҲРИ**

**3** САҲИФА



**БИР ЖУФТ ГҮЛ**

**2** САҲИФА





Сессияда фикр-мулоҳаза ва таклифларимиз қабул қилиниши  
учун баҳслашиш маданиятини ҳам ўрганишимиз керак.2-mart, chorshanba, 2022-yil.  
№9 (32703)СЕССИЯ  
КАЙФИЯТИкечагидан фарқ қилмоқда,  
эртага бундан-да жонли бўлади

ПРЕЗИДЕНТИМИЗ ШАВКАТ МИРЗИЁЕВ ҲОЯЛАРИ АСОСИДА ИШЛАБ ЧИҚИЛГАН ТАРАҚҚИЁТ СТРАТЕГИЯСИДА ДЕПУТАТЛАР ФАОЛИЯТИНИ ЯХШИЛАШ, МАҲАЛЛИЙ КЕНГАШЛАР НУФУЗИНИ ОШИРИШ, ВАКОЛАТЛАРИНИ КЕНГАЙТИРИШ КАБИ ДОЛЗАРБ ВАЗИФАЛАР БЕЛГИЛАНГАН. УЛАРНИНГ АМАЛГА ОШИШИ ХАЛҚ ДЕПУТАТЛАРИ КЕНГАШЛАРИНИНГ ФАОЛИЯТИНИ, ВАКИЛЛИК ОРГАНИДАГИ МУҲИТ ВА КАЙФИЯТНИ БУТУНЛАЙ ЎЗГАРТИРАДИ. ШУ КУНЛАРДА ТУМАНЛАРДА СЕССИЯЛАР БЎЛИБ ЎТМОҚДА. ФОРИШ ТУМАНИ МИСОЛИДА ЖАРАЁНГА НАЗАР СОЛАМИЗ.

ХАЛҚ ДЕПУТАТЛАРИ ФОРИШ ТУМАН КЕНГАШИНING НАВБАТДАГИ СЕССИЯСИНИ КЕНГАШ РАИСИ, ТУМАН ҲОКИМИ ИКРОМ МАТИЕВ БОШҚАРИБ БОРДИ. СЕССИЯ ТАФСИЛОТЛАРИ ҲАҚИДА ХАЛҚ ДЕМОКРАТИК ПАРТИЯСИ ТУМАН КЕНГАШИ РАИСИ НОРИНСО ИРИСОВА БИЗГА ҚЎЙИДАГИЛАРНИ ГАПИРИБ БЕРДИ.



**Норинисо ИРИСОВА,**  
**ЎзХДП Фориш туман**  
**кенгаши раиси:**

йўлга қўйилган бўлиб, чеккароқ ҳудудларда муаммолар йўқ эмас. Мана шу масалада тенгликни таъминлаш керак. Айниқса, Фориш ҳудудий жиҳатдан вилоятдаги энг катта туман ҳисобланади. Нафақат кам таъминланганлар, ҳамма учун ҳам марказга келиб, таҳсил олиш қийин. Бу йил хотин-қизлар ва ёшларни ўқитишда чекка ҳудудлар қамраб олинishi, қўлай манзилларда ўқувлар ташкил этиш ҳақидаги таклифларимизни билдирдик.

Яна бир муҳим масала шундаки, олинган кредитларни қайтаришда айрим муаммолар кузатилмоқда. Айрим ҳамюртларимиз кичик бизнес учун олинган пулларни тўй ва шунга ўхшаш маросимларга, уй-жойини таъмирлашга ёки яна бошқа шахсий эҳтиёжи учун сарфлаб юборяпти. Натижада кредитни қайтариш қобилиятидан маҳрум бўлиб қоляпти.

Шундан келиб чиқиб, тизимли ишлашни таклиф

этдик. Чунки биргина маҳалла берилган маблағнинг мақсадли сарфланиши устидан назорат қила олмайди. Бошқа вазифалари сабаб уларнинг жисмонан вақти етмайди. Депутатлар, партия ва ёшлар фаоллари, банк ва яна бошқа ташкилотлар вакиллари билан ҳамкорликда мазкур масалага ечим топишга келишиб олинди. Бунинг учун қарздорлар рўйхати шакллантирилади. Уларнинг қўлидан нималар келиши ўрганилади. Ана шу асосида уларнинг даромади оширилади.

Бир нарсани тан олишимиз керак. Биз айби борни уялтирмаймиз. Масалан, ер олиб, қайтармайдиганлар ҳам бўлади. Уларга ҳуқуқлари билан бирга, мажбуриятларини ҳам яхшироқ тушунтириш, керак бўлса, хатоси учун уялтириш, қонунлардан кўрқиниши ўргатиш лозим.

Бир ҳақиқат бор, яъни ҳамма ҳам тадбиркор бўлиб туғилмайди. Иш юритиш, бизнес қилиш қобилиятига эга бўлмаган кишиларга берилган маблағ эса қайтарилмай қоляпти.

Шунинг учун ишбилармон кишига каттароқ кредит маблағи ажратилиб, одамларни ишли қилган маъқулроқ. Масалан, туманимизда тикув фабрикаси очилиб, 250 нафар хотин-қизнинг бандлиги таъминланди. Шунча оиланинг қозони қайнапти, даромади ошди.

Пул ўрнига ишини йўлга қўйиш учун шароит, масалан, тикув машинаси, хом ашё билан таъминлаш ёки иссиқхона қуриб бериш йўлга қўйилмоқда. Бу ҳам яхши усул. Ана шунда маблағларнинг мақсадли сарфланишига эришилади. Қарздорлар бўлмайди, деб ўйлайман.

Таъкидландики, белгиланган чора-тадбирлар ижроси натижасида туманда ўтган йили 1618 та янги иш ўрни яратилган. Шунингдек, 2335 нафар фуқаро ҳақ тўланадиган жамоат ишларига жалб қилинган, 817 нафари касбга ўқитишга юборилган, 125 нафарига ишсилик нафақаси тайинланган. Ўзини-ўзи банд қилиш тамойили асосида эса 3115 нафар фуқаронинг бандлиги таъминланган.

Тумани ижтимоий-иқтисодий ривожлантириш бўйича ишлаб чиқилган умумий қиймати 3 триллион 101 миллиард 497 миллион сўмни ташкил қилган 29 та лойиҳа амалга оширилди. Мазкур лойиҳалар учун тижорат банкларида 834 миллиард 14 миллион сўм имтиёзли кредит маблағлари ажратилди. Шу билан бирга 703 та янги иш ўрни яратилди.

"Оилавий тадбиркорликни ривожлантириш" дастури доирасида ҳам қатор ишлар амалга оширилди. Хусусан, 1446 та лойиҳа учун тижорат банкларида 20 миллиард 729 миллион сўм имтиёзли кредит ажратилди.

"Ҳаракатлар стратегиясидан — Тараққиёт стратегияси сари" тамойили асосида жорий йил учун белгиланган "Йўл харитаси"да тадбиркорликни ривожлантириш орқали аҳоли бандлигини таъминлаш ва камбағалликни икки баравар қисқартириш асосий вазифа қилиб қўйилган.

Шундан келиб чиқиб, бу йил 350 та, биринчи чоракда эса 105 та юридик шахс мақомидаги тадбиркорлик субъектларини ташкил қилиш кўтилмоқда. Ижтимоий-иқтисодий ривожлантириш дастури доирасида жорий йилда ҳам 30 га яқин лойиҳани амалга ошириш кўзда тутилган. Ушбу лойиҳалар 1209 та янги иш ўрни ташкил этилишига омил бўлади.



**Марат ИСОҚОВ,**  
**Шароф Рашидов**  
**туман Кенгашидаги**  
**Ўзбекистон ХДП**  
**гурӯҳи раҳбари:**

34 ТА СЕССИЯДА  
ҚАТНАШДИМ

— Мана, депутат бўлиб сайланганимизга икки йил тўлиб, учинчи йил кетмоқда. Бу вақт орасида туманда 34 та сессия ўтказилди. Уларнинг ҳар бирида ўз фикримиз, таклифларимиз билан иштирок этишга ҳаракат қилдик. Депутатлик гурӯҳи раҳбари сифатида ҳар бир сессияда иштирок этдим, ўз фикр ва мулоҳазаларимни билдирдим. Айримларига масала ҳам киритганимиз.

## МАСАЛА КИРИТИЛГАНИ ИШ БИТДИ, ДЕГАНИ ЭМАС

Сессияда Ўзбекистон ХДП гурӯҳи таклифи билан туман ҳокимининг биринчи ўринбосари, Ҳаким Тўйчиевнинг камбағал ва ишсиз фуқароларни тадбиркорликка жалб қилиш, касб-хунарга ўқитиш ва бандлигига қўмаклашишга оид қўшимча чора-тадбирлар тўғрисидаги ахбороти эшитилган.

Бундан ташқари, сессияда Ўзбекистон Республикаси Президентининг Фориш туманидаги Халқ қабулхонаси, Бош вазирнинг тадбиркорлар мурожаатларини кўриб чиқиш қабулхонаси мутахассислари ахборот берган.

Ахборотлар маълумот учун қабул қилинган.

Аҳолининг асосий бўш қисми олис қишлоқларда жойлашгани эътиборга олиниб, ҳар бир қишлоқда тадбиркорлик билан шуғулланиш хоҳиши бўлган фуқароларни аниқлаш кераклиги бўйича кўрсатмалар берилган. Таъкидландики, уларга ўз

муҳими, қанча йғилишда иштирок этганимиз эмас, одамларнинг мушкуланини осон қилувчи таклифлар, масалаларни кўтарганимизда, деб ўйлайман. Қайси тизим, қайси соҳа яхши ишламаётгани, аҳоли нималардан норози эканини кўпроқ уларнинг ўзидан эшитамиз. Фуқаролардан олинган маълумотлар асосида камчиликларни туман ҳокими айтган вақтларимиз кўп бўлади.

Масалан, Президентимиз аҳолига кафолатли хизмат кўрсатадиган тиббиёт тизимини яратяпти. Шундан келиб чиқиб, туманимизда буйраги ишламайдиган беморларнинг диализ аппаратларини ювишга ихтисослашган поликлиника очилган. У ерга 10 та аппарат олиб келинган. Бироқ арзимаган сабаб билан аппаратнинг атиги иккитаси ишлайди. Битта аппарат бир инсонга 4 соат хизмат кўрсатади. Бундан кўриниб турибдики, одамларнинг эътирози тўғри. Суриштирсак, трансформаторнинг қуввати 10 та аппаратни ишлатишга етмас экан. Битта трансформатор 30 миллион сўм туради. Инсон умри-чи, кадр-чи? Мазкур масалани яқинда бўлиб ўтган сессияда кўтардим. Масала ҳал этилди. Бу каби мисолларни кўплаб келтириш мумкин.

ишини йўлга қўйиш учун ер участкалари, субсидиялар, имтиёзли кредит маблағлари ажратиш, коммуникация тармоқларига улашиш чораларини кўриш лозим. Бунда асосий эътиборни "Темир дафтар", "Ёшлар дафтари" ва "Аёллар дафтари"да турган меҳнатга лаёқатли ишсиз фуқароларга қаратиш керак.

Мана шу вазифалардан келиб чиқиб, "Темир дафтар" билан ишлаш бўйича фаолиятни танқидий муҳокама қилиб бориш, шу билан бирга, ижтимоий аҳоли ва турмуш шароити оғир, ишсиз ҳамда ижтимоий фаол бўлмаган фуқароларни ҳар томонлама қўллаб-қувватлаш ва ҳимоя қилиш ҳақида қарор қабул қилинган. Масъулларга ишсиз фуқароларни касб-хунарга ўргатиш, уларнинг бандлигини таъминлаш, бизнес ташаббусларини қўллаб-қувватлаш ва ижтимоий ҳимоясини кучайтириш бўйича чора-тадбирлар режасини ишлаб чиқиш вазифалари топширилган.

## ҚЎШИМЧА ФИКР

— Кўп ҳолларда сессияда фикр-мулоҳаза ва таклифларимиз қабул қилиниши учун тортишишга, баҳслашишга тўғри келади. Чунки депутат кўп, уларнинг ҳар бири ўзи сайланган сиёсий партиянинг манфаати, электорати истакларидан келиб чиқиб, қарор қабул қилинишини истади. Шунга қарамай, тўғри айтилган фикрни қўллаб-қувватлаш, ягона тўхтама қелиш йўлини топамиз.


2022 йил 28 январь куни халқ депутатлари Ғаллаорол туман Кенгашининг олтинчи чақирғиқ ўттиз тўққизинчи сессияси муҳокамасида тумандаги "Маданият" ҚФЙ ҳудудида жойлашган 53-умумтаълим мактаби директорлик лавозимига номзод кўрсатилди. Ҳар ким ўз қарашларини билдирди. Депутатлар овоз

беришда қизгин муҳокамаларга, баҳсга ҳам борди. Сабаби, қўйилган номзодларнинг дастури бир-бирдан яхши тузилган эди. Номзодлардан бири Жиззах шаҳридан экани, яна бири ёш кадрлиги депутатлар тортишувига сабаб бўлди. Бир тўхтама келинавермагач, номзодларни қайтариш фикри ҳам туғилди. Бироқ партиямиз аъзолари қатъий позицияда туриб олди. Шундан сўнг, ўша мактабда ишлаб келаётган Низомиддин Ярбеков номзоди кўпчилик овоз билан тасдиқланди. Унинг кўп йиллик тажрибаси, янгича қарашларга эгалиги, мактаб кайфияти, у ердаги ходимларнинг иссиқ-совуғидан бохабарлиги боис мазкур номзодга овоз берилди.

Биз суҳбатлашган депутатлар ҳамда партия фаолларининг сўзларига қараганда, бугунги сессиялар кечагидан анча фарқ қилмоқда. Уларда депутатларнинг танқидий фикри, мулоҳазалари, таклифлари ҳамда эътирозлари иноватга олинапти. Тўғри, ҳамма ҳам бирдек фаол ва ташаббускор бўлмаслиги мумкин. Бироқ ҳар қандай ташаббуснинг бошланиши унинг ривожланиши биланди. Мақсад сари қўйилган илк қадам ярим галаба ҳисобланади. Бу мақсад эса халқ манфаати, сайловчиларнинг хоҳиш-иродасини ифодалар экан, унинг яқини хайрли ва самарали бўлишига шубҳа йўқ.

**Зилола УБАЙДУЛЛАЕВА,**  
**"Ўзбекистон овози" муҳбири.**



2-mart, chorshanba, 2022-yil.  
№9 (32703)

Коронавирус инфекцияси тарқалишига қарши курашиш бўйича чоралар бугун ҳам долзарб бўлиб турибди. Инфекция тарқалишининг олдини олиш борасида ҳукуматимиз томонидан қатор қатъий тадбирлар амалга оширилмоқда. "Меҳр-шафқат ва саломатлик" жамоат фонди ҳам коронавирусга қарши курашиш жараёнида фаол иштирок этиб келмоқда.

— Жамоат фонди аҳоли саломатлигини муҳофаза қилиш, касалликка чалинган беморлар учун малакали шифокорлар маслаҳати ва даволаш ишларини уюштириш, ногиронлиги бўлганларни протез-ортопедия буюмлари ва реабилитация қилишнинг техник воситалари билан таъминлаш, кам таъминланган



оилаларга дори-дармонлар етказиб бериш, оғир хасталикка чалинган беморларни республикаимиз ҳамда хориждаги тиббиёт марказларида даволанишларини қўллаб-қувватлашда ҳомийлик ишларни амалга оширди, — дейди фонди раис Асрол Мирзакмедов. — Хусусан, ижтимоий ҳимояга муҳтож беморларнинг аризаларига асосан республика тиббиёт муассасаларида ҳамда Россия, Германия, Ҳиндистон, Бирлашган Араб Амириклар клиникаларида беморларнинг жарроҳлик амалиёти ва диагностик даволанишлари, буйрак ва жигар трансплантацияси жарроҳлик амалиёти ўтказилган беморлар учун дори воситаларини харид қилиш, ёшлари улғайган, якка-ёлғиз, қаровчиси ва боқувчиси бўлмаган оилалар зарур тиббиёт буюмлари билан таъминланди. Ижтимоий фаол бўлмаган хотин-қизларни ҳар томонлама қўллаб-қувватлаш мақсадида боқувчисини йўқотган, ижтимоий ҳимояга муҳтож бўлган аёлларнинг болалари кийим-кечаклар билан таъминланди.

Шунингдек, республика ихтисослаштирилган гематология илмий-амалий тиббиёт марказида даволанаётган бемор болаларга Янги йил арафасида кўтаринки кайфият улашиш мақсадида байрам совғалари харид қилиш, Ўзбекистон ёшлар иттифоқига қарашли Бўстонлик туманидаги соғломлаштириш масканининг моддий-техника базасини мустаҳкамлаш, Ёшлар ишлари агентлиги томонидан



ёшларга оид лойиҳаларни амалга ошириш, "Шаффоф хайрия" ягона интерактив портални ишлаб чиқиш ва ишга тушириш билан боғлиқ хайрия-эҳсон ва ҳомийлик харажатларини амалга оширишга 2021 йилда 32 317 823 471 сўм сарфланди.

«Ёшларни қўллаб-қувватлаш ва аҳоли саломатлигини мустаҳкамлаш йили»да фонднинг вилоят ваколатхоналари ва туман бўлимлари ҳамда ҳудудий муассасалари мурувватга муҳтож оилаларни, шифохоналарда даволанаётган, моддий етишмовчиликдан қийналган кишиларни, эҳтиёжманд ногиронлиги бўлганларни дори-дармон, озиқ-овқат, кийим-кечаклар билан таъминлашда, уларнинг ижтимоий-иқтисодий ва маънавий манфаатларини муҳофаза қилиш борасида ўзларининг бир қанча тадбирларини амалга оширди.

Жамоат фонди вилоят ваколатхоналари ҳамда ҳудудий муассасалари Президент қа-

булхонасига мурувват қилган «Темир дафтар»га қиритилган беморнинг даволаниши, ўзгалар ёрдамига муҳтож бўлган оилаларга зарурий эҳтиёж буюмлари олиб беришга, кам таъминланган, боқувчисини йўқотган, ёрдамга муҳтож оилалар, қариялар ва ногиронлиги бор шахсларга бегараз ёрдам кўрсатиш ва уларни ижтимоий муҳофаза қилиш, Меҳрибонлик уйи, Саховат, Мурувват уйларидаги фуқароларни қўллаб-қувватлаш учун 2,3 миллиард сўмлик хайрия ишлари амалга оширилди.

Жорий йилда ҳам фонди томонидан фуқаролар соғлигини муҳофаза қилиш, касалликка чалинган беморларнинг даволанишлари ҳамда боқувчисини йўқотган ижтимоий ҳимояга муҳтож оилалар фарзандларига ёрдам кўрсатиш борасидаги фаолияти давом эттирилмоқда.

Шухрат ИСЛОМОВ.

## РЕКЛАМА УРНИДА

## МЕҲНАТ ЎЗИНИНГ САМАРАСINI БЕРМОҚДА

МАМЛАКАТИМИЗ ТАРАҚҚИЁТИНИНГ ҲОЗИРГИ БОСҚИЧИДА ХУДУДЛАРНИНГ МАВЖУД ИМКОНИАТИДАН КЕЛИБ ЧИҚИБ, АҲОЛИНИНГ ТУРМУШ ФАРОВОНЛИгини ЮКСАЛТИРИШ, ЗАРУР ИНФРАТУЗИЛМАНИ ЯРАТИШ МАСАЛАСИГА КАТТА ЭЪТИБОР БЕРИЛМОҚДА. БУ БОРАДАГИ ИСЛОҲОТЛАР АЙНИ ПАЙТДА ЎЗИНИНГ ИЖОБИЙ САМАРА БЕРАЁТГАНИНИ НУКУС ТУМАНИ МИСОЛИДА ҲАМ КЎРИШ МУМКИН.



— Ўзбекистон Республикаси Президентининг "2020-2023 йилларда Қорақалпоғистон Республикасини комплекс ижтимоий-иқтисодий ривожлантириш чора-тадбирлари тўғрисида"ги қарори асосида туманимизнинг ўсиш нуқталари, яъни драйвери этиб иссиқхоналар ташкил этиш, мева-сабзавотчилик, балиқчилик соҳалари белгилаб берилган, — дейди Нукус тумани ҳокими Омирбай Уснатдинов. — Шуни алоҳида таъкидлаш керакки, Президентимизнинг ушбу қарори Қорақалпоғистон Республикасининг мавжуд ижтимоий-иқтисодий, шу жумладан, ишлаб чиқариш ва инвестиция салоҳиятидан самарали фойдаланиш, ҳудудда муҳандислик-коммуникация, ижтимоий ва ишлаб чиқариш инфратузилмаларини яхшилаш, иқтисодиёт тармоқларини барқарор ривожлантириш, шу асосда аҳоли бандлигини таъминлаш ҳамда турмуш даражасини оширишга қаратилгани

билан жуда аҳамиятлидир. Ҳужжат ижросидан келиб чиқиб, туманимизда ўтган йилларда мазкур соҳалар бўйича жами 256,4 млрд. сўмлик 34 та лойиҳа шакллантирилди. Жумладан, жами 64 гектар ер майдонида 174,3 млрд. сўмлик 12 та лойиҳа асосида иссиқхоналар қуриш режалаштирилган ва 345 та иш ўрни яратиш кўзда тутилган. Мева-сабзавотчилик йўналишида жами 36,6 млрд. сўмлик 10 та лойиҳани амалга ошириш ва 152 та иш ўрни, балиқчиликда эса 45,4 млрд. сўмлик 12 та лойиҳани амалга ошириш ва 80 та иш ўрни яратиш режалаштирилган. Бу борадаги ишлар айна пайтда ҳам давом эттирилмоқда. Хусусан, иссиқхоналар бўйича 2 та лойиҳага жами 6,6 млрд. сўмлик кредит маблағлари тижорат банклари томонидан ажратиб берилиб, 6 гектар майдонда қурилиш ишлари олиб борилмоқда. Масалан, "QUDEKOV-JADIGER-SAPARBAEVICH" МЧЖга "Туронбанк" томонидан 270 минг АҚШ доллари, "AYZIYA DIYORBEK" МЧЖга "Микрокредитбанк" томонидан 5,0 млрд. сўм кредит ажратилган. Шунингдек, "MAGZATDIN-MUXAMMADIN" МЧЖ томонидан ўз маблағлари ҳисобидан 2,0 га майдонда қурилиш ишлари олиб борилмоқда. Бугунги кунда 1,5 га майдонда қурилиш ишлари якунланиб, помидор ва бодринг экилиб, ички бозорларимизда сотилмоқда. Бугунги кунда Нукус туманида мева-сабзавотчилик йўналишида 2 та кластер ташкил қилинган бўлиб, ушбу лойиҳаларга жами 2,8 млрд. сўм кредит маблағлари ажратилди ва 38 та ишчи ўрин яратилган. Бугунги кунда кластерлар томонидан экспортбон маҳсулотлар етиштирилмоқда.



«**АЙНИ ПАЙТДА ҲАМ ТУМАННИНГ МАВЖУД РЕСУРСЛАРИДАН ТЎЛИҚ ФОЙДАЛАНИЛГАН ҲОЛДА ЖОРИЙ ЙИЛДА БЕЛГИЛАНГАН ЭКСПОРТ ПРОГНОЗИНИ ЙИЛ ЯКУНИГА ҚАДАР ОРТИҒИ БИЛАН БАЖАРИШ БЎЙИЧА ИЗЧИЛ ЧОРА-ТАДБИРЛАР АМАЛГА ОШИРИЛМОҚДА.**»

Мева-сабзавотчиликни ривожлантиришда банклар томонидан ажратилаётган кредитлар ҳам муҳим ўрин тутмоқда. Масалан, "Миллийбанк" томонидан "Екоexport servis" МЧЖга 2,5 млрд. сўм, "BIOGUMUS" фермер хўжалигига 300 млн. сўм ажратилган ва бунинг натижасида биргина 2020 йил якуни билан мазкур корхоналар томонидан жами 857,0 минг АҚШ долларлик маҳсулот экспорт қилинган.

Шу билан бирга, боғдорчилик йўналиши бўйича 3 та лойиҳага жами 2,6 млрд. сўмлик кредит маблағлари тижорат банклари томонидан ажратиб берилиб, 89,0 га ер майдонда агро техника ишлари олиб борилмоқда. Жумладан, "AQMANGIT GOLD FISH" МЧЖ томонидан "Микрокредитбанк"нинг 450,0 млн. сўмлик кредитига 15 га ер майдонда интенсив усулда боғдорчиликни ташкил этиш ишлари олиб борилмоқда. Ушбу лойиҳа ишга туширилиб, янгидан 4 та иш ўрни яратилган. "Миллийбанк" кредитлари асосида "AGRO FIRMA CHEMPION" МЧЖ томонидан жами 59,0 га ер майдонда Туркия давлатидан гилос, нок кўчатларининг юқори навлари келтирилиб, экиш ишлари якунланди. "SHADLI-NO KIS" фермер хўжалигида 15 га ер майдонда томчилатиб, сўғориш усулида боғ яратиш ишлари олиб борилмоқда.

Бугунги кунда балиқчилик йўналишида 5 та лойиҳага жами 16,1 млрд. сўмлик кредит маблағлари тижорат банклари томонидан ажратиб берилган ва ўнлаб иш ўринлари яратилган.

— Президентимиз раҳбарлигида олиб борилаётган ислохотлар, аниқ мақсад ва вазифаларни муҳим этган фармон ва қарорлар,

дастурлар турмушимизда муҳим аҳамият касб этмоқда, — дейди Нукус тумани ҳокими Омирбай Уснатдинов. — Шуни ҳам алоҳида таъкидлаш жоиз, Президентимизнинг ҳар бир ташрифи катта яратувчанлик ишларига асос бўлмоқда. Туманимизда олиб борилаётган изчил чора-тадбирлар натижасида айниқса, саноат ва мева-сабзавот экспорти бўйича яхши натижаларга эришяпмиз. Хусусан, 2021 йилнинг биринчи ярми йиллигида экспорт прогнози 7054 минг АҚШ доллари ташкил қилди. Туманининг мева-сабзавот маҳсулотлари-

га белгиланган экспорт прогнозларини тўлиқ бажариш бўйича экспортёр корхоналаримиз томонидан Италия, Қозоғистон каби давлатлар билан экспорт шартномалари тузилган. Ҳисоб-китобларимизга кўра, экспортёр корхоналаримизда экспортга чиқарадиган етарлича маҳсулотлар бор ва улар томонидан шартномалар қилиш бўйича музокаралар олиб борилмоқда. Маҳсулотлар экспортини амалга ошириш бўйича экспортёр корхоналаримиз томонидан тумандаги фермер, кишлок хўжалиги корхоналари ва деҳқон хўжаликлари билан фючерс шартномалари тузилиб, доимий ҳамкорликда иш олиб борилмоқда. Бундан ташқари, саноат йўналишидаги экспортёр корхоналаримиз томонидан ишлаб чиқариш ҳажмлари тўла қувватларда давом эттирилмоқда. Хусусан, "KPC NUKUS HERBAL TECHNOLOGY" МЧЖнинг тайёр 100 тонна қизилмия экстрактини (жами қиймати 750 минг АҚШ долларлик) экспорт қилиш бўйича Хитой Халқ Республикаси билан музокаралар олиб борилди ва амалий ҳамкорликка келишилди.

Шунингдек, "NUKUS ECO PLANT EXTRACT" МЧЖ томонидан 52 тонна (жами 360 минг АҚШ долларлик) қизилмия экстрактини шартномалар тузиш ишлари олиб борилди ва натижаларга эришилди. Айни пайтда ҳам туманининг мавжуд ресурсларидан тўлиқ фойдаланилган ҳолда жорий йилда белгиланган экспорт прогнозини йил якунига қадар ортиғи билан бажариш бўйича изчил чора-тадбирлар амалга оширилмоқда.

Ойгул РАЗЗОҚОВА,  
журналист.



